


Supervizor Gregorian podržava odluke Disciplinskog povjerenstva u svezi sa dvojicom pripadnika Policije distrikta Brčko



Supervizor za Brčko Raffi Gregorian u potpunosti podržava odluke Disciplinskog povjerenstva Policije Brčko da se prekine radni odnos gđinu Slobodanu Kataniću i gđinu Đorđu Popoviću. Popoviću.

Duže od godinu dana, Supervizor Gregorian je dobivao potkrijepljena izvješća o kršenju službenih dužnosti, težim povredama dužnosti, neprofesionalnosti, neadekvatnom radu u službi, pokušajima političkog zastrašivanja i drugim postupcima gđina Katanića i gđina Popovića koji narušavaju učinkovitost Policije Brčkog.

Zbog ovih izvješća, supervizor Gregorian je bio spreman da smjeni gđina Katanića i gđina Popovića s njihovih funkcija u Policiji distrikta Brčko. On se uzdržao od izdavanja naloga za njihovu smjenu jer je šef Policije Brčko rekao da će pokušati pridobiti oba službenika da poboljšaju svoje ponašanje, ili ukoliko to ne uspije, da će postati predmetom utvrđenog disciplinskog postupka.

Supervizor je istakao da je Arbitražni tribunal za Brčko presudni značaj dao uspostavljanju profesionalne,

multietničke, demokratski orijentirane i odgovorne Policije u distriktu Brčko. Podržavanje najviših standarda profesionalnosti i nepristrasnosti, a naročito među njenim višim rukovodiocima, ključno je za poboljšanje povjerenja javnosti u Policiju distrikta Brčko.

Supervizor pozdravlja činjenicu da Disciplinsko povjerenstvo Policije Brčko, kao nadležni lokalni organ, može učinkovito obavljati svoje dužnosti i pozvati policijske službenike na odgovornost za kršenja dužnosti.